



# შირაკი

SHIRAKI

გაშორდა 1937 წლიდან  
დედოფლისწყაროს მუნიციპალიტეტის გაერთიანებას

№ 8 (10.163)

22-29 მარტი, 2025 წელი

ფასი: 60 თეთრი

ყოველკვირეული გამოცემა

## ოზაანში ახალი სკოლა გაიხსნა

20 მარტს კახეთის რეგიონში სამი ახლადშენებული სკოლა გაიხსნა. მათ შორის გაიხსნა სოფელ ოზაანის საჯარო სკოლის ახლადგებული შენობაც, რომელსაც ადგილობრივები 36 წლის განმავლობაში ელოდნენ. სკოლა 120 მოსწავლეზეა გათვლილი და სამშენებლო პროექტის ჯამური ღირებულება 3 000 000 ლარამდეა; ოზაანის სკოლა დღემდე ავარიულ, საუკუნოვან შენობებში იყო განთავსებული და ოთახების არარსებობის გამო სასწავლო პროცესი ორ ცვლაში მიმდინარეობდა.

დედოფლისწყაროს მუნიციპალიტეტის სოფელ ოზაანის, ახმეტის მუნიციპალიტეტის სოფელ ზემო ალვანის მე-2 და სიღნაღის მუნიციპალიტეტის სოფელ საქობოს საჯარო სკოლებში სასწავლო სივრცეების პარალელურად ფუნქციონირებს საბუნებისმეტყველო და კომპიუტერული ლაბორატორიები, ბიბლიო-

თეკა, სპორტული და სააქტო დარბაზები, ექიმის კაბინეტი და რესურსოთახი.

სასწავლო დაწესებულებების გახსნის ცერემონიას საქართველოს განათლების, მეცნიერებისა და ახალგაზრდობის მინისტრი **ალექსანდრე ნულაძე**, გარემოს დაცვისა და სოფლის მეურნეობის მინისტრი **დავით სოლოლაშვილი**, კახეთის მხარეში სახელმწიფო რწმუნებულ **გიორგი ალადაშვილი**, დედოფლისწყაროს მერთან, **ნიკოლოზ ჯანიაშვილი** და საკრებულოს თავმჯდომარე **ნუზარ პაპიაშვილი** ერთად დაესწრო.

სტუმრებმა სკოლების ინფრასტრუქტურა დაათვალიერეს, მიმდინარე



სასწავლო პროცესს გაცენენ და მოსწავლეებსა და მასწავლებლებს თანამედროვე სტანდარტების შესაბამის გარემოში სწავლის გაგრძელება მიულოცეს.

სკოლები ადაპტირებულია შეზღუდული შესაძლებლობის მქონე პირებისთვის: დამონტაჟებულია ლიფტი, ადაპტირებული სანიტარული კვანძები და პანდუსი. ინფრასტრუქტურული პროექტების ფარგლებში ასევე მოწყობილია სკოლების მშენებლობა/რეაბილიტაცია საქართველოს

განათლების, მეცნიერებისა და ახალგაზრდობის სამინისტროს სსიპ საგანმანათლებლო და სამეცნიერო ინფრასტრუქტურის განვითარების სააგენტომ განახორციელა.

**ნიკოლოზ ჯანიაშვილი:** „ოზაანში სკოლის აშენების პროცესი 1989 წლიდან არსებობს, თუმცა ვერცერთმა ხელისუფლებამ ვერ შეძლო ამ სოფელს სათანადო სკოლა ჰქონოდა. ჩვენ სულ მალე შევქმნივთ მისი მშენებლობის დასრულება. მინდა გითხრათ, რომ დედოფლისწყაროში სულ 15 სკოლაა, /დასასრული გვ 3/

## პატარა ფეხბურთელების დიდი მომავალი

დედოფლისწყაროს მუნიციპალიტეტის მერიასა და „საფეხბურთო კლუბი დინამო თბილისის საფეხბურთო სკოლას“ შორის გაფორმებული ურთიერთთანამშრომლობის მემორანდუმის საფუძველზე 17-18 მარტს დედოფლისწყაროს ახალ საფეხბურთო სტადიონზე საფეხბურთო წვრთნები დაიწყო.

ვარჯიშს დედოფლისწყაროს მუნიციპალიტეტის მერი ნიკოლოზ ჯანიაშვილი მოადგილესთან, მალხაზ მერაბიშვილთან ერთად დაესწრო. მერის განცხადებით, დედოფლისწყაროელ ბავშვებს აქვთ უნიკალური შანსი, მაღალ დონეზე გაიარონ საფეხბურთო მომზადება და მიაღწიონ დიდ წარმატებებს. ამისათვის კი დედოფლისწყაროს მუნიციპალიტეტის მერია ყველაფერს გააკეთებს.

6-12 წლის ბავშვები საფეხბურთო მომზადებას საფეხბურთო კლუბ „დინამო თბილისის“ მეთოდოლოგიით გადიან. დედოფლისწყაროს მუნიციპალიტეტის მერიასა და „საფეხბურთო კლუბი დინამო თბილისის საფეხბურთო სკოლას“ შორის ურთიერთთანამშრომლობის მე-

მორანდუმში მიმდინარე წლის იანვარში გაფორმდა.

მიუხედავად იმისა, რომ სწავლა ფასიანია, მსურველთა რაოდენობა მაინც რეკორდულად დიდია. როგორც „შირაქ-მა“ გაარკვია, ყოველთვიური გადასახადი 50 ლარია, თუმცა ნახევარს დედოფლისწყაროს მერია დააფინანსებს, 25 ლარს კი მშობელი გადაიხდის.

დედოფლისწყაროს სპორტის ცენტრში ამბობენ, რომ 157 მოზარდის განაცხადია რეგისტრირებული. მოთხოვნა უფრო დიდი იყო, თუმცა მოშორებული სოფლებიდან მსურველები ვერ მიიღეს.

**ნიკოლოზ ჯანიაშვილი:** „ყველაზე პატარა ასაკის ბავშვთა ვარჯიშს დავესწარი და გულწრფელად მინდა გითხრათ, ამ ასაკის ამდენი ბავშვი, ამდენ მშობელთან ერთად მრავალი წელია აღარ მინახავს. მითუმეტეს კოვიდპანდემია გავიარეთ და ჩაკეტილობის შემდეგ ეს ურიაშული ნამდვილად სასიამოვნო და დიდი სიხარული იყო ჩემთვის. დიდი დაინტერესება ნამოვიდა და ჩვენმა ერთმა ნაბიჯმა სრულიად გამოაცოცხლა დედოფლისწყარო. სულ სხვა მუსტი იგრძ-

ნობა მოზარდებში“.

**ბიბი ილიანი:** („დინამოს“ პროექტების ხელმძღვანელი): „საოცარი ინფრასტრუქტურა დაგვხვდა დედოფლისწყაროში, ცენტრალური პარკი მონოციკლი ახალი სტადიონი განათების სისტემით, მართლაც საოცარი ბაზა იქნება ამ ბავშვებისთვის. მშენიერი მდებარეობაა და არსებობს ადგილობრივი ხელისუფლების მხარდაჭერა. გასული წლის უდიდესი წარმატებებისა და ეროვნული ნაკრების ვარსკვლავების: კვარაცხელიას, მიქაუტაძის, მამარდაშვილის და სხვების ნყალობით, საქართველოში ფეხბურთი იმდენად პოპულარული გახდა, მოლოდინი ნამდვილად გექონდა, რომ დედოფლისწყაროშიც დიდი ინტერესი გაჩნდებოდა. თუმცა, ამხელა მომართვიანობა მართლაც გასაოცარია. სანყის ეტაპზე ყოველთვის ცოტაა და რაოდენობა ეტაპობრივად იზრდება ხოლმე, მაგრამ დედოფლისწყაროში თავიდანვე ბევრი განაცხადი შემოვიდა. ბედნიერი ვარ, რომ დედოფლისწყარო ასე აქტიურობს. 90-იან წლებში პირადად მე დედოფლისწყაროში ვცხოვრობდი და ჯუმბერ უზუნაშვილის თხოვნით რაიონის

საფეხბურთო გუნდ შირაკში ვთამაშობდი, ამიტომ ამ ქალაქში ფეხბურთის განვითარებასთან დაკავშირებით სხვა ემოცია მაქვს. ვინაიდან მოედანი მხოლოდ ქალაქშია, მხოლოდ დედოფლისწყაროს მაცხოვრებლები ავიყვანეთ და ვერ სოფლების მოსახლეობას ვერ მივიღებთ. თუმცა, მერს სურვილი აქვს ქედების ზონაშიც გექონდეს. სიღნაღის ორ სოფელში უკვე დაიწყეთ, ამიტომ იმედი მაქვს დედოფლისწყაროს სოფლებშიც მალე მოგვეცემა შესაძლებლობა. მსურველთა მიღება მომავალშიც გაგრძელდება, ნებისმიერ დროს შეუძლიათ 6-12 წლის მოზარდებს განაცხადი შემოიტანონ. ამჯერად ყველა მსურველი მივიღეთ, არ შეგვიჩვენია, ვის აქვს სათანადო უნარები და ვის არა... თუმცა, ჩვენი მოთხოვნები გვაქვს და შედეგები ნელ-ნელა გამოიკვეთება. ვვარაუდობ, რომ 100-110 ბავშვი დარჩება და გააგრძელებს ვარჯიშს. ვაპირებთ ჯგუფებად დაყოფას, არ გვინდა თითო ჯგუფში 18-ზე მეტი სპორტსმენი იყოს, მაგრამ რაკი სხვადასხვა ასაკია, ვნახოთ როგორ დალაგდება. დაახლოებით სამ წელიწადში უკვე უნდა გექონდეს შედეგი, ყველაზე აქტიურ და გამოკვეთილ მოზარდებს ჩვენ ნავიყვანთ, საცხოვრებელი ეუზრუნველყოფთ და დინამოს ბაზაზე გაეზრდით. 5 წლიანი თანამშრომლობის მემორანდუმს გვაქვს დედოფლისწყაროს მერიასთან და ორივე მხარე დაკვირვების რეჟიმში ვართ, ვნახოთ როგორ ავანყობთ და რა შედეგებზე გავალთ. 2013 წელს დაბადებულ ვაჟებს აქვთ შანსი. ნაკრების წევრების კანდიდატებში თუ მოხვდებიან, ესეც კარგი შედეგი იქნება, 1-2 მოთამაშე მაინც უნდა გავზარდოთ ასეთი.



/დასასრული გვ 3/

# დედოფლისწყაროს სპორტული დარბაზის რეაბილიტაცია მიმდინარეობს

დედოფლისწყაროს მუნიციპალიტეტის მერი ნიკოლოზ ჯანიაშვილი მოადგილესთან, გელა სამუკაშვილთან ერთად ქ. დედოფლისწყაროში არსებული სპორტული დარბაზის სარეაბილიტაციო სამუშაოებს ადგილზე გაეცნო.



ინფრასტრუქტურულ პროექტს რეგიონებში განსახორციელებელი პროექტების ფონდის დაფინანსებით დედოფლისწყაროს მუნიციპალიტეტის მერია ახორციელებს და მისი ღირებულება 77 518 ლარია.

## სამუშაო შეხვედრა გაიმართა

დედოფლისწყაროს მუნიციპალიტეტის მერი ნიკოლოზ ჯანიაშვილი მოადგილესთან, გელა სამუკაშვილთან და მერიის ინფრასტრუქტურის სამსახურის თანამშრომლებთან ერთად კონტრაქტორი კომპანიების წარმომადგენლებს შეხვდა და ინფრასტრუქტურული პროექტების მიმდინარეობის შესახებ დეტალური ინფორმაცია მოისმინა.

„მუნიციპალიტეტში მიმდინარე ინფრასტრუქტურული სამუშაოების მონიტორინგი მერიის შესაბამისი სამსახურების მიერ აქტიურ რეჟიმში ხორციელდება. ჩვენთვის მნიშვნელოვანია, რომ თითოეული პროექტი დროულად და ხარისხიანად განხორციელდეს“ - აღნიშნა შეხვედრაზე ნიკოლოზ ჯანიაშვილმა.



## შეხვედრები საბავშვო ბაღებში

დედოფლისწყაროს სკოლამდელი სააღმზრდელო ცენტრის ინკლუზიური განათლების სპეციალისტის ირინა ფიროსმანაშვილის მიერ მუნიციპალიტეტის ბავშვებში შედგა მშობლებთან შეხვედრა თემაზე: „ტრანზიცია ბალიდან სკოლაში“.

სახურებიდან, ბავშვებიდან ზოგადი განათლების სისტემაში. სკოლამდელი განათლების დაწესებულება უზრუნველყოფს ბალიდან სკოლაში ტრანზიციის ხელშეწყობს ღონისძიებებს. მშობლებთან შედგა საინფორმაციო და საკონსულტაციო შეხვედრები. მიენოდათ ინფორმაცია, რომ გამოცხადდა პირველკლასელთა რეგისტრაცია 2025-2026 სასწავლო წლისათვის. რეგისტრაცია ხორციელდება ოთხ ეტაპად:



## საქველმოქმედო აქცია სათნოების სახლში

10 მარტს დედოფლისწყაროს №1 საჯარო სკოლაში მოქმედი კლუბი „კამბისენეს“ ორგანიზებით საქველმოქმედო აქცია ჩატარდა. სკოლის მოსწავლეების მიერ მოგროვებული ტანსაცმელი დედოფლისწყაროს სათნოების სახლს გადაეცა.

ღონისძიების აქტიური ჩართულობით, შედეგით დახმარება გაგვეწია მათთვის, ვისაც ეს ყველაზე მეტად სჭირდება. განსაკუთრებული მადლობა გვინდა გადავუხადოთ ყველას, ვინც მონაწილეობა მიიღო ამ კეთილ საქმეში. მჯერა, რომ მსგავსი ინიციატივები სამომავლოდაც გაგრძელდება და ერთად შევძლებთ უფრო მეტი სიკეთის გაკეთებას ჩვენი საზოგადოებისთვის!“ - აღნიშნა კლუბის ხელმძღვანელი მაია ლაპიაშვილი.



# მესაზღვრის დღე მიულოცეს



ქახეთის მხარეში სახელმწიფო რწმუნებული, გიორგი ალადაშვილი, დედოფლისწყაროს მუნიციპალიტეტის მერი, ნიკოლოზ ჯანიაშვილი და საკრებულოს თავმჯდომარის მოადგილე გოჩა სამუკაშვილი დედოფლისწყაროში, საქართველოს სასაზღვრო პოლიციის სახმელეთო საზღვრის დაცვის დეპარტამენტის IV სამმართველოს ესტუმრნენ და მესაზღვრეებს პროფესიული დღე მიულოცეს.

კახეთის მხარეში სახელმწიფო რწმუნებული, გიორგი ალადაშვილი, დედოფლისწყაროს მუნიციპალიტეტის მერი, ნიკოლოზ ჯანიაშვილი და საკრებულოს თავმჯდომარის მოადგილე გოჩა სამუკაშვილი დედოფლისწყაროში, საქართველოს სასაზღვრო პოლიციის სახმელეთო საზღვრის დაცვის დეპარტამენტის IV სამმართველოს ესტუმრნენ და მესაზღვრეებს პროფესიული დღე მიულოცეს.

გარემოს დაცვისა და სოფლის მეურნეობის სამინისტროს წარმომადგენლებმა, კარლო ამირგულაშვილმა მინისტრის სახელით მადლობის სიგელები გადასცა ლაგოდეხის და დედოფლისწყაროს სამმართველოების მესაზღვრეებსა და დაცული ტერიტორიების ადმინისტრაციების ხელმძღვანელებს.

ხელისუფლების წარმომადგენლებმა მადლობა გადაუხადეს მესაზღვრეებსა და რეინჯერებს, რომლებიც ერთობლივად, კოორდინირებული მუშაობით მნიშვნელოვან როლს ასრულებენ ბრაკონიერობის წინააღმდეგ ბრძოლაში.

## „როგორ ვხედავთ რიცხვებს გრაფიკულად?“

სსიპ დედოფლისწყაროს მუნიციპალიტეტის სოფელ სამთაწყაროს საჯარო სკოლის მათემატიკის მასწავლებელმა, ნინო მატიაშვილმა, VII კლასში (კლასის დამრიგებელი-თამილა ნადირაშვილი) განხორციელა სასკოლო პროექტი „მონაცემთა საიდუმლოებები: როგორ ვხედავთ რიცხვებს გრაფიკულად“.



პროექტის მიზანი იყო მოსწავლეთა მონაცემთა შეგროვებისა და დამუშავების უნარების განვითარება, მათთვის წრიული დიაგრამის შექმნის პრინციპების სწავლება და მონაცემთა ვიზუალიზაციის მნიშვნელობის გააცნობა. მოსწავლეები გაეცნენ მონაცემთა შეგროვებისა და ანალიზის ძირითად პრინციპებს. შეისწავლეს, როგორ მოამზადონ და წარმოადგინონ მონაცემები წრიული დიაგრამის სახით. მოახდინეს საქართველოს რეგიონების ფართობისა და მოსახლეობის მონაცემთა დამუშავება და ვიზუალიზაცია. განვიხილეთ კრიტიკული აზროვნება და გუნდური მუშაობის უნარ-ჩვევები. მოსწავლეებმა დამოუკიდებლად მოიპოვეს, გაანალიზეს და ვიზუალურად წარმოადგინეს მონაცემები. მათ განუვითარდათ ლოგიკური და ანალიტიკური

აზროვნება, ინფორმაციის დამუშავებისა და სწორად გადმოცემის უნარი, გაძლიერდა მათემატიკური უნარ-ჩვევები და მონაცემთა ვიზუალიზაციის პრაქტიკული გამოყენების გამოცდილება, მოსწავლეებმა გამოიმუშავეს გუნდური მუშაობის, პრეზენტაციისა და საჯარო გამოსვლის უნარები. პროექტის დასკვნით ეტაპზე მოსწავლეებმა თავიანთი ნამუშევრები პრეზენტაციის სახით წარადგინეს. ღონისძიებას ესწრებოდა სკოლის დირექტორი, ეკატერინე ჩიტაური, რომელმაც განსაკუთრებული მადლობა გადაუხადა მოსწავლეებსა და მათემატიკის მასწავლებელს ნაყოფიერი მუშაობისთვის. დირექტორმა აღნიშნა, რომ ეს პროექტი მნიშვნელოვნად შეუწყო ხელს მოსწავლეთა პრაქტიკული უნარების გაღრმავებას და მათ ნახალების მომავალი კვლევების და ანალიტიკური პროექტების განხორციელებაში.

## რეაბილიტაცია ეპარქიის სკოლაში

ქალაქ დედოფლისწყაროში წმ. მეფე ვახტანგ გორგასლის სახელობის სკოლის რეაბილიტაცია იწყება. პროექტით გათვალისწინებულია ერთ-ერთი შენობის ფასადის აღდგენა, საძირკვლის გამკარება და ლობის მოწყობა. სამუშაოები მიმდინარე წლის აგვისტომდე უნდა დასრულდეს. ტენდერში „ტექნოსერვისი 1“ და შპს „ჯეოგაიტი“ მონაწილეობდნენ. სამუშაოებისთვის 384 520 ლარია გათვალისწინებული. ყველაზე დაბალი თანხა „ჯეოგაიტი“-მა დააფიქსირა, რის შედეგადაც 7 თებერვალს ტენდერში გაიმარჯვა და პროექტის შესრულების ვალდებულება 328 500 ლარად აიღო. მეორე ადგილზე გასული კომპანია კი სამუშაოების შესრულებას 349 381 ლარად გვთავაზობს.

როგორც „შირაქმა“ გაარკვია, 18 თებერვალს „ჯეოგაიტი“-მა დედოფლისწყაროს მერიის სატენდერო კომისიის განწყვეტილება გაასაჩივრა სახელმწიფო შესყიდვების სააგენტოში მოქმედ სახელმწიფო შესყიდვებთან დაკავშირებული დავების განხილვის საბჭოში. ამ საბჭოს 5 მარტის გადაწყვეტილებით, მათი მოთხოვნა არ დაკმაყოფილდა. საბჭომ დედოფლისწყაროს მერიის არგუმენტი გაიზიარა და აღნიშნა, რომ კომპანიას თავად უნდა ჰქონდეს ამგვარი სამუშაოს შესრულების გამოცდილება და კონტრაქტორი კომპანიის გამოცდილება არ უნდა მოიშველიოს.

14 თებერვალს დედოფლისწყაროს მერიის სატენდერო კომისიამ კომპანია „ჯეოგაიტი“-ს დისკვალიფიკაცია მიანიჭა. მიზეზად კი ისაა მოყვანილი, რომ კომპანიის დოკუმენტაცია სატენდერო პირობების მოთხოვნებს არ შეესაბამება, რადგან სამუშაო გამოცდილებაში წარმოდგენილია მხოლოდ კერძო დამკვეთების ხელშეკრულებები და არა მათი გამოცდილების.

სატენდერო კომისიის 7 მარტის განწყვეტილებით ტენდერში მონაწილე მეორე პრეტენდენტს, დედოფლისწყაროში მოქმედ კომპანია „ტექნოსერვისი 1“-ს დაევალია დროულად წარედგინა შესაბამისი დოკუმენტაცია და დაზუსტებული ფასები. დოკუმენტაციის სრულყოფილად წარდგენის შემთხვევაში სატენდერო კომისია გამარჯვებულად სწორედ ამ კომპანიას გამოაცხადებს და „ტექნოსერვისი 1“-ს დაგეგმილი სამუშაოების დაწყების შესაძლებლობა მიეცემა. შირაქი

# პატარა ფეხბურთელების დიდი მომავალი

**/პირველი გვერდიდან/**  
 რაც შეეხება მწვრთნელებს, სამი ადგილობრივი მწვრთნელი გვყავს შერჩეული, მათ დინამოს აკადემიის კურსები გაიარეს. რამდენიმე ეტაპად გადაამზადდნენ და ჩვენი მითითებით, პატრონაჟითა და მეთოდოლოგიით იმუშავებენ. პარალელურ რეჟიმში გაგრძელდება მწვრთნელების გადამზადება, მაქსიმალურად ვეხმარებით, რომ ფეხბურთის ფედერაციის მწვრთნელის ლიცენზია მოიპოვონ. ამჯერად ეს ლიცენზია არ აქვთ და მისი მიღება აუცილებელია. თუმცა, მწვრთნელების ლიცენზირება ხანგრძლივი პროცესია, მარტივი არ გახლავთ. უამრავი ტრენინგი და ბოლოს გამოცდის გავლას საჭირო. მწვრთნელებს აქვთ დაინტერესება, რაც შეიძლება მეტი ბავშვი მოიზიდონ, თითო მოსწავლეს 20 ლარს მწვრთნელი მიიღებს ხელფასის

სახით. ყველა პირობა გვაქვს, რომ წარმატებული თანამშრომლობა შედგეს და მნიშვნელოვანი შედეგები ვაჩვენოთ.”

**შალვა შაიშვილი (მწვრთნელი):** „პირადად მე მყავს 38 ბავშვი, რომლებიც 2017-18 წელს დაბადებულები არიან. ვასოს 70-მდე და ა.შ. პირველ დღეს უფროსი ასაკის ბავშვების ვარჯიში გვქონდა, ხოლო მეორე დღეს კიდევ ორი პატარა ჯგუფის, 2025-26 და 2017-18 წლებში დაბადებულების. დიდ ასაკს ამეცადინებს ვასო მაძღარაშვილი და ვეხმარებით მე და მარლენ ნატროშვილი, ხოლო პატარა ასაკის ბავშვების შემთხვევაში მოედანი ორად იყოფა და ვასო დაგვეხმარება ორივე მწვრთნელს. ბევრი ბავშვია, თუმცა სამი მწვრთნელი ჯერ ვუმკლავდებით ამას, ვნახოთ შემდეგ რა იქნება. მე ასევე დამევალა, რომ მეკარეების ტრენინგი ვიყო და პარალელურ

რეჟიმში ნებისმიერი ასაკის მეკარეები მე ვავარჯიშო. მწვრთნელებმა ბავშვები სურვილის და ასაკის მიხედვით გავინანილეთ, თუმცა ეს იმას არ ნიშნავს, რომ მხოლოდ ამ ასაკის ბავშვებს ვამეცადინებთ. მორიგეობით, ერთი მთავარი მწვრთნელი იქნება, დანარჩენი ორი ასისტენტი, შემდეგ ვარჯიშზე კი პირიქით და ა.შ. ჯერჯერობით მხოლოდ ბიჭების მიღებაზეა საუბარი, თუმცა, რო-



დესაც სკოლებში ბავშვების შესარჩევად დავდიოდით, რამდენიმე გოგონაც იყო, რომელსაც ფეხბურთის ინტერესი ჰქონდა. გული დასწყდათ, რომ გოგონების მიღება არ არის. რაც შეეხება მოლოდინს, სიმართლე გითხრათ მოლოდინი ნამდვილად მქონდა, რომ დიდი ინტერესი იქნებოდა. თუმცა, შედეგმა მოლოდინს გადააჭარბა და ამხელა რაოდენობას არ ველოდი. პროცესი არ გაჩერებულა და ყოველდღიურად ემატება 4-5 მსურველი. ვარჯიში კვირაში სამჯერ იქნება, უფროსი ასაკის ვაჟები ორშაბათს-ოთხშაბათს და პარასკევს ივარჯიშებენ და შაბათს თამაში ექნებათ, ხოლო პატარა ასაკის ჯგუფებს სამშაბათსა და ხუთშაბათს ვარჯიში ექნებათ, შაბათს კი თამაში. „დინამოს“ მეთოდოლოგია ამას ითვალისწინებს, რომ პატარებს ორი ვარჯიში ჰქონდეთ, დიდებს სამი“.

„შირაქი“ მოსწავლეთა მშობლებსაც გაესაუბრა, ისინი აღნიშნავენ, რომ დედოფლისწყაროში ფეხბურთი უფასოდაც ისწავლება და ამის შესაძლებლობა მანამდეც იყო, თუმცა მეტი პერსპექტივისა და უფრო ეფექტური პროგრამით მომზადების გამო მზად არიან შვილები ფასიან წრეებზეც ატარონ. სწორედ ამ იმედით შეიყვანეს, რომ „დინამოს აკადემია“ მეტი ასპარეზის მომცემი აღმოჩნდება მოზარდებისთვის.

**ილია მარტყოფილი**



## გაზეთ „შირაქის“ თანამშრომლებს პროფესიული დღე მიულოცეს



**21 მარტს დედოფლისწყაროს მერი ნიკოლოზ ჯანიაშვილი და საკრებულოს თავმჯდომარის მოადგილე გოჩა სამუკაშვილი გაზეთ „შირაქის“ რედაქციის თანამშრომლებს შეხვდნენ. მუნიციპალიტეტის ხელმძღვანელებმა რედაქციის თანამშრომლებს ქართული ჟურნალისტიკის დღე მიულოცეს, სიმბოლური საჩუქრები გადასცეს და პროფესიასა და პირად ცხოვრებაში წარმატებები უსურვეს. შეხვედრა დიალოგის რეჟიმში წარიმართა. ჟურნალისტიკა და თვითმმართველობის ხელმძღვანელებმა მუნიციპალიტეტში მიმდინარე და განსახორციელებელ პროექტებზე ისაუბრეს**

აღინიშნა, რომ გაზეთი „შირაქი“ დედოფლისწყაროს მემატიანეა და 1937 წელს დაარსებულმა რედაქციამ ისტორიას შემოუნახა ამ რაიონის ყოველდღიური ცვლადი საინტერესო დეტალი.

„ძალიან მომწონს, როცა გაზეთში წინა საუკუნის უძველესი ამბები წერია და ყოველთვის დიდი ინტერესით ვეცნობი, რადგან მართლა მნიშვნელოვანია დღევანდლობაში ძველი ყოფის ამსახველი ამბების გახსენება. რედაქციაში დღესაც მუშაობენ ადამიანები, რომლებიც თითქმის ნახევარი საუკუნეა ჩვენს

გაზეთს ემსახურებიან. ასევე კიდევ ერთხელ დაფასებას იმსახურებენ ყოფილი და გარდაცვლილი თანამშრომლები, ისინი, ვინც გაზეთ „შირაქის“ თავისი კვალი დატოვეს. ბევრი ცნობილი კომპანია დღეს იმით ამაყობს და ფართო სარეკლამო კამპანიას ეწევა, რომ 20, ან 30 წელია, ხალხის სამსახურშია. არადა, ჩვენ გვაქვს გაზეთი, რომელიც წელს 88 წლის გახდა და წყვეტა არასოდეს ჰქონია. ეს პატარა დრო არ არის, ასე წლის იუბილეს შორს არაა. დღეს უკვე თითზე ჩამოსათვლელია ამხელა ისტორიის მქონე ქართული რაიონული გაზეთები და მიხარია, რომ მხოლოდ რამდენიმე გაზეთია ასაკით „შირაქზე“ უფრო დიდი. მნიშვნელოვანია, რომ დედოფლისწყაროში შეინარჩუნა და დღემდე ამაყად მოვიდა გაზეთი „შირაქი“. მინდა გისურვოთ, რომ კვლავც დიდხანს ყოფილიყავით ხალხის სამსახურში,“ – აღნიშნა ნიკოლოზ ჯანიაშვილმა.

ქართული ჟურნალისტიკის დღის აღნიშვნა პირველი ქართული მედია საშუალების გამოცემას უკავშირდება. გაზეთი 1819 წლის 21 მარტს გამოვიდა და „საქართველოს გაზეთი“ ეწოდებოდა. ბექდურმა მედიამ 1821 წლის ბოლომდე იარსება.

## ოზანში ახალი სკოლა გაიხსნა

**/პირველი გვერდიდან/**  
 საიდანაც 9 სულ მთლიანად ახალია, ძირითადად განახლებული, ან ახლად აშენებული, კიდევ ორის მშენებლობა ახლა მიმდინარეობს და მესამე, არბოშიკის სკოლაც მალე დაიწყება. მართალია დავით სონლაშვილი მინისტრად გადაიყვანეს, თუმცა, როგორც თავისი სამაჟორიტარო ოლქი, ცდილობს კარგ ამბებში ჩვენს გვერდით იყოს, ამიტომაც გვესტუმრა და გავგახარა.“

**ანა ლათიგაშვილი (ოზანის სკოლის დირექტორი):** „ორი წლის წინ ასე წელი შეუსრულდა იმ შენობას, რომელშიც აქამდე ვმუშაობდით. ეზოში ორი შენობა დგას, ცალკე იყო დაწყებითი კლასებისთვის გათვლილი შენობა და ცალკეა უფროსი ასაკის კლასების შენობა, თუმცა, მიუხედავად იმისა, რომ მცირე კონტინგენტთან სკოლად ვითვლებთ, მაინც არასაკმარისი იყო ოთახების რაოდენობა. ბოლო წლებში დაემატა რესურსოთახი, კომპიუტერული ოთახი, სხვადასხვა საჭიროებები გაჩნდა, თუმცა ფართი არ გყოფნიდა. მრავალი წელია ორ ცვლაში გვინევს მუშაობა, რაც დიდ სირთულეებთანაა დაკავშირებული. განსაკუთრებით პრობლემებს ვაწყდებით ზამთრის სეზონზე. ხშირად დაღამებულზე მთავრდებოდა სასწავლო პროცესი და გვიან სახლში დაბრუნება მოსწავლეებს უჭირდათ. თუმცა სხვა გზა არ იყო, ოთახების არარსებობის გამო იძულებულნი ვიყავით სასწავლო პროცესი ასე დაგვეყო. მცირე კონტინგენტი გვყავს, თუმცა ამჟამად ჩვენთან ყველა კლასი მოქმედებს და 90 მოსწავლეს სწავლობს,

საბედნიეროდ კლას-კომპლექტები, ანუ რამდენიმე კლასის გაერთიანება არ დგეჭირებია. იმედი გვაქვს, ახალი სკოლა სტიმულს მისცემს სოფლის მოსახლეობას და შემცირდება მიგრაცია, პირიქით დაბრუნდებიან და გაძლიერდება ჩვენი სოფელი. უკვე ერთი თვეა შევედით ახლად აშენებულ შენობაში. ყველაფერი გამართულად მუშაობს და კარგი ხარისხითაა გაკეთებული. არანაირი ხარვეზი არ გამოვლენილა. ადგილმდებარეობაც გონივრულადაა შერჩეული, კმაყოფილი ვართ ნამდვილად. რაც შეეხება გახსნის ცერემონიას, სასიამოვნო დღე იყო. ხელისუფლების წარმომადგენლები გვსტუმრობდნენ და პირადად მოგვილოცეს ეს დღე. 4 ათეული წელია იგეგმებოდა სოფელში სკოლის მშენებლობა, საძირკველიც არსებობდა, მაგრამ ბოლომდე ვერ მივიდა. ახლა კი 2 წელიწადში თანამედროვე სტანდარტების უახლესი სასკოლო ინფრასტრუქტურა ჩაგვბარდა. გვაქვს ექიმის კაბინეტიც, თუმცა ჯერ კადრი არ შეგვირჩევია, ვაკანსია გვაქვს გამოცხადებული. მოსახლეობაშიც დიდი მოლოდინი და ექსპედიციურობა იყო, რადგან ორცვლიანი სწავლება ძალიან დამლელი იყო ყველასთვის. დიდი მადლობა ხელისუფლებას ამ საჩუქრისათვის.“

**ილია მარტყოფილი**





# ქაშვითის ტაძრის მშენებლობა ზემო ქედში

სოფელ ზემო ქედში უკვე რამდენიმე წელია კიდევ ერთი ტაძარი მშენდება. ინიციატივა მიდელაშვილების ადგილობრივ ოჯახს ეკუთვნის. არჩილ მიდელაშვილი ოთხშვილიანი ოჯახის ერთადერთი ვაჟი იყო, ეკლესიის მშენებლობა მისი დიდი სურვილით დაიწყო. სამუშაოებიც მათი ფინანსებითა და ძალისხმევით მიმდინარეობს. მშენებლობის განმავლობაში ოჯახის ორივე მამაკაცი გარდაიცვალა, ამ მადლიანი საქმის დასრულების სიძიმე კი ქალბატონების მხრებზე გადავიდა. ყველაფრის მიუხედავად ისინი გაჩერებას არ აპირებენ და ცდილობენ ზემო ქედში ქაშვითის წმინდა გიორგის სახელობის ტაძარი მალე ამოქმედდეს.

ირა ფირცხალაიშვილი: „ჩემი შვილის არჩილ მიდელაშვილის იდეა და დიდი სურვილი იყო, ზემო ქედში ეკლესია აეშენებინა. ვერ ვიტყვი, რომ მორწმუნე იყო, არც ეკლესიაში უვლია. ძალიან ნაკითხი და განათლებული ბიჭი იყო, უყვარდა სიკეთის უანგაროდ კეთება და გაჭირვებულების დახმარება. ერთ დღეს გაიღვიძა და თქვა, დამესიზმრა დეკანოზი, რომელმაც მითხრა, მიდელაშვილები რატომ არ მიხედავთ სალოცავებსო. ოკუპირებულ ახალგორის რაიონში მათი სოფელია მიდელაანი, სადაც იყო საგვარეულო სალოცავი, (ქაშვითის წმინდა გიორგის სახელობის, სწორედ ამ სალოცავის დეკანოზზე საუბარი) მაგრამ 2008 წლიდან ოკუპაციის შემდეგ აბალახებული და მიუხედავი დარჩა. რადგან იმის მოვლას ვერ შეძლებდა, გადაწყვიტა სოფელ ზემო ქედში გაეკეთებინა სალოცავი. იქიდან ჩამოტანილი ქვებით ნიში გააკეთა და ბიძაშვილთან ერთად ჯვარი აღმართა. უნდოდა ამ ადგილის კურთხევა. ამის შესახებ სოფლისა და ეპარქიის მღვდლებს ესაუბრა. მათ უთხრეს, რომ მცირე სალოცავების კურთხევა არ შეიძლება, ამის შემდეგ გადაწყვიტა იმავე სახელობის ტაძარი აეშენებინა. ყოველ დღე იქ მიდიოდა და ჩანაფიქრის განხორციელებაზე ზრუნავდა, მთლიანად ამით იყო მოცული. ჩვენც ვუთხარით, ზოგადად ყველა ურჩევდა, თავი დაენებებინა ამ საქმისთვის, რადგან ძალიან რთული იყო და თუკი დაიწყებდა, აუცილებლად უნდა მიეყვანა ბოლომდე. ამას ძალიან დიდი ძალისხმევა, ნებისყოფა და ფინანსები სჭირდება. თანაც, არც ისე შეძლებული ოჯახი ვართ, ამიტომ ჩვენთვის ამხელა პასუხისმგებლობის აღება დიდი ტვირთი იქნებოდა. მიუხედავად ყველაფრისა, ჯიუტად ამბობდა, „თუნდაც წელიწადში ერთი წყება ბლოკი დავალაგო, მაინც დავიწყებ და სიბერემდე როგორ ვერ დავამთავრებო“. ზოგადად, ჩვენს ოჯახს რთული ცხოვრება გვქონდა, ყველაფერი ისე არ წავიდა, როგორც გვინდოდა და არიყო ამ ეკლესიის მშენებლობაზე დიდი იმედს ამყარებდა. სულ ამბობდა: „აი ნახავთ, ტაძარი რომ აშენდება, ყველაფერი შეიცვლება“. მანამდე ეკლესიაში არასოდეს უვლია. ერთხელ, მდინარე მტკვრის სანაპიროზე რაღაც შეემთხვა და მაშინ მისულა ეკლესიაში. მას შემდეგ სულ ამბობდა, „დიდხანს ვესაუბრე და მოძღვარმა ჩემი ხედვები შეცვალა, სხვანაირად შემახვედა ცხოვრებასო“. მერე ამ სიზმრის შემდეგ მოხდა დიდი გარდატეხა. მისი საფიქრალი მხოლოდ ეკლესიის აშენება გახდა. თავად შეარჩია ადგილი, 2018 წელს ჯვარიც თავად დადგა ბიძაშვილთან ერთად. ტაძრის საძირკვლის კურთხევასაც მოძღვრებმა გვითხრეს, არასწორად დგას ჯვარი, მაგრამ ჩემს შვილს გათვლილი ჰქონდა, ჯვარი პირდაპირ ჰერეთში, კახის ქურმუხის ტაძარს უყურებს, მონმენდილ ამინდში ჩვენც დავინახავთ და ისინიცო... მეუფე დიმიტრის გაუკვირდა კიდევ, ეს როგორ გათვალაო. თუმცა, ჩემს შვილს მშენებლობის დაწყება არ დასცალდა, მხოლოდ ჯვრის აღმართვა და საძირკვლისთვის ქვის მოტანა მოასწრო, რის შემდეგაც სრულიად მოულოდნელად, 2019 წლის 7 სექტემბერს 37

წლის ასაკში გარდაიცვალა. ძალიან მიჭირს ამ ყველაფრის გახსენება, სრულიად ჯანმრთელი იყო. სიცოცხლის ბოლო დღეს თბილისიდან ჩამოვიდა, ღამით დაიძინა და დილა ვეღარ გაათენა. გარდაცვალება ანევირიზმამ გამოიწვია. მას შემდეგ ოჯახში ვთქვით, რომ რაღაც არ უნდა დაგვეჯდომოდა, მისი სურვილი შეგვესრულებინა და ამ ადგილზე მშენებლობა დაგვეწყვიტა. ჩაერთო ეპარქია, მეუფეს ეს ისტორია დაწვრილებით მოეუყვებით, ყველა დეტალი აუხსენით, თუ როგორ გაჩნდა იდეა. ამიტომ მოგვცა კურთხევა, აგვეშენებინა ეკლესია. 2021 წლის 9 მარტს მეუფე დიმიტრი კაპანაძემ და



ეპარქიის სასულიერო პირებმა ზემო ქედში საძირკველი აკურთხეს. ეპარქია დაგვეთანხმდა, რომ ქაშვითის წმინდა გიორგის სახელობის ეკლესია ყოფილიყო და მეუფემ სწორედ ამ სახელით აკურთხა. გვითხრეს, რომ ამ სახელით მხოლოდ თბილისში მოქმედებს და ეს მეორე ტაძარი იქნება. მას შემდეგ დავინწყეთ მშენებლობა. პროცესს ჩემი მეუღლე, ავთანდილ მიდელაშვილი ხელმძღვანელობდა და ჩემი ძმა ბორის ფირცხალაიშვილი იყო მშენებელი. ძირითადად ჩვენი ოჯახის ფინანსებით ვაშენებთ, მთელი ოჯახი ჩართული ვართ, ფიზიკურადაც ვშრომობთ, მშენებლობის პარალელურად ვზრუნავთ ამ ტერიტორიის გამწვანებაზე, დავრგეთ სხვადასხვა ჯიშის უამრავი ნერგი, რაშიც მონაწილეობა სოფლის პატარებმაც მიიღეს. იყო თანადგომა და მცირე შემოწირულობები. სოფლის მოსახლეობაც ფიზიკურად ყოველთვის იყო ჩართული და სამშენებლო სამუშაოებზე უსასყიდლოდ გვეხმარებოდნენ. თუმცა, მსხვილი სპონსორები არ გვყავს. საერთოდ, უნდა ითქვას, რომ სანამ ეკლესიას ჩემი ძმა აშენებდა, არც ხელოსნებში და არც მუშებში ფული არ დაგვიხარჯავს. ყველამ უანგაროდ იშრომა. დიდი დარდისა და ტკივილის გამო, ბოლო ხანს მეუღლეს ჯანმრთელობა გაუუარესდა, რის გამოც ეკლესიის მშენებლობა დროებით შეჩერებული იყო, თუმცა გასული წლის შემოდგომაზე ძალები მოვიკრიბეთ და ტაძრის მშენებლობა გავაგრძელეთ...



სიკვდილამდე ჩემი ეკლესიასთან მივიდა, უარესი მშენებლობაზე ეფიქრა. ეპარქიის რეზიდენციაშიც წავიდა, მეუფე დიმიტრის შეხვედა. მასალები მოამარაგა, პროექტი არქიტექტორმა სერგო ქართველიშვილმა მოამზადა. ყველაფერი შეთანხმდა, მინის ნაკვეთის დოკუმენტაციაც გაფორმდა და მშენებლობა დაიგეგმა, მაგრამ სამწუხაროდ, მალევე ეს ახალგაზრდა გარდაიცვალა და გეგმა სისრულეში ვერ მოიყვანა. ამის მიუხედავად, ოჯახმა ითავა ეს საქმე და მაინც გააგრძელეს. მხოლოდ მიდელაშვილების ოჯახია ჩართული ყველაფერში, სამშენებლო მასალების შექენამიც, ფიზიკურ სამუშაოებშიც და მშენებლობის პროცესშიც. როგორც ვიცო, ადგილობრივებიც ეხმარებიან. უდიდესი საქმეა და დასაფასებელია, როცა ეკლესიის მშენებლობის ინიციატივა რიგით, არცთუ შეძლებულ ოჯახს ეკუთვნის. რაც რამ გააჩნდათ, ყველაფერი ამ ტაძარში ჩადეს, ამიტომ უზარმაზარი შესანიშნავია ეს... დედა მანამდეც დადიოდა ეკლესიაში, მაგრამ ოჯახი მორწმუნე არ ყოფილა. როცა ადამიანი განსაცდელთან ახლოს მიდის, უფალი დიდ რწმენას აძლევს. ეს ბიჭიც ძალიან გაძლიერდა რწმენაში და დიდი სურვილი გაუჩნდა, ეკლესია აეგო. მისთვის გამოცხადება იყო საფუძველი იმისა, რომ ეს დიდი საქმე ეთავა. ამ ოჯახს ეს ერთი ვაჟი ჰყავდა და ისიც წაადრევედ გარდაიცვალა, ამიტომ ოჯახის დანარჩენი წევრების ძალისხმევით პროცესი დღესაც გრძელდება. ბევრი რამ გაყიდეს, რომ ჩანაფიქრი სისრულეში მოეყვანათ. რამდენიმე თვის წინ ოჯახის უფროსი ავთანდილ მიდელაშვილიც გარდაიცვალა, თუმცა ოჯახი მაინც ცდილობს ეს კეთილი საქმე დაავიკრივოს. როცა ამ ადგილზე მშენებლობა დასრულდება, ზემო ქედში ორი მოქმედი ტაძარი გვექნება და ორივე ეკლესიაში ვიმსახურებ.

მღვდლად 2011 წელს დედოფლისწყაროს საკათედრო ტაძარში მკურთხეს, მაშინ მეუფე მელქისედეკმა რამდენიმე პირის კურთხევა შეასრულა. უფლის ნება იყო, რომ ჩემს მშობლიურ სოფელში მოხვდით. თავდაპირველად ცოტა ხანს სამთაწყაროში ვიმსახურე, შემდეგ კი ქედის ზონაში გადმოვედი. სადაც უფალს ვჭირდებით, იქ უნდა ვიმსახუროთ და ყველგან წავალ, სადაც მეუფე გაგვიშვებს, მაგრამ მშობლიური სოფლის სამსახურში ყოფნა სულ სხვა განცდაა. როცა ქედში ჩამოვედი, ორი მოძღვარი უკვე იყო და რა თქმა უნდა, საფუძველი დამხვდა და ხალხი რწმენაში იყო, მაგრამ დღეს მრევლი გამრავალდა, ეკლესია გაძლიერდა. არხილოსკალის ტაძრის მშენებლობაც შევეძლია, ზემო ქედშიც ორი ტაძრის მშენებლობა მიმდინარეობს და ერთობით, თანადგომათა და უფლის შენეებით კიდევ ბევრს შევძლებთ.

**ილია მარტყოფიშვილი**  
 გაიღეთ შემოწირულობა  
**GE84LB0711105277310340**  
 მიმღები: ირა ფირცხალაიშვილი



# 8 მკაფიო ნიშანი იმისა, რომ ადამიანს დაბალი IQ და ინტელექტი აქვს

ადამიანის ინტელექტი მხოლოდ ფაქტობრივ, აკადემიურ ცოდნას არ ემყარება. ინტელექტი გვიჩვენებს უნარს და შესაძლებლობას აირთიანებას, მათ შორის, ლოგიკური აზროვნება, ინფორმაციის ანალიზი, დაგეგმვა და სინთეზი.

ადამიანები, რომლებსაც დაბალი IQ აქვთ, სწავლას, ლოგიკურ დავალებებსა და არასტანდარტულ სიტუაციებს ნაკლებად უმკლავდებიან.

ადამიანის IQ ბევრი სხვადასხვა პარამეტრით იზომება, თუმცა არსებობს აშკარა ნიშნები, რომლებიც ინტელექტის ნაკლებობაზე მიუთითებს:

### სწავლის ანგარიშის დაბალი შედეგები

დაბალი ინტელექტის მქონე ადამიანები იშვიათად იჩენენ ინტერესს ახალი ცოდნის მიმართ და არ ცდილობენ, უფრო ღრმად ჩასწავლან იმას, რაც უკვე იციან. ისინი კმაყოფილებიან ზედაპირული ინფორმაციით და ზედმეტ კითხვებს არ სვამენ. გარდა ამისა, მათ აქვთ შეზღუდული ლექსიკა, არ სცილებებიან ჩვეულ მსოფლმხედველობას და არ ითვისებენ სხვა ადამიანების აზრს. შესაბამისად, არც ახალი იდეები აქვთ და არც რაიმე სახის ცვლილებებზე ფიქრობენ.

### დაბალი IQ-ის მქონე ადამიანს ახალ პი-

რობებთან შეგუება უჭირს. მისთვის რთულია დაგეგმვა, სწრაფად ნავიგაცია უცნობ გარემოში და არასტანდარტული სიტუაციებიდან გამოსავლის პოვნა.

### ბაზალური ინტელექტის ნიშნები

სწრაფად დაბალი ინტელექტის მქონე ადამიანები საკუთარ თავს გადაჭარბებულად აფასებენ და თავს იმაზე ჭკვიანად თვლიან, ვიდრე სინამდვილეში არიან. ეს ფენომენი ცნობილია, როგორც დანიშ-კრუეტის ეფექტი: რაც უფრო ნაკლები იცის ადამიანმა საგნის შესახებ, მით უფრო დარწმუნებულია თავის ცოდნაში. ისინი უბრალოდ ვერ აცნობიერებენ თავიანთ არაკომპეტენტობას. ინტელექტუალური ადამიანებისგან განსხვავებით, რომლებსაც თავიანთი ცოდნის საზღვრები ესმით, დაბალი ინტელექტის მქონე ადამიანები დარწმუნებულნი არიან, რომ უკვე ყველაფერი იციან.

### ჭარბოვანად საკითხი

დაბალი IQ-ის მქონე ადამიანები კატეგორიულად აზროვნებენ. ისინი სამყაროს ყოველ „კარგად“ და „ცუდად“, იმის გათვალისწინებით განიხილებენ, რომ მალალი ინტელექტი აქვთ.

## დებრისის თავისებურებები

ექიმს უგუნებობის ჩივილი უფრო ხშირად სწორედ ქალები მიმართავენ, მამაკაცები კი საკუთარი ძლიერების დემონსტრირებას უგუნებობის უსიტყვოდ, ვაჟაკური ატანით ახდენენ. შესაბამისად, განსხვავებული სიმპტომებიც. მამაკაცები დებრისის დროს საკუთარ თავში იკეტებიან და თავიანთ დებრისულ აზრებს თავს არავის ახვევენ. ამიტომ, ერთ დღეს შეიძლება დებრისის ყველაზე მძიმე შემთხვევის – თვითმკვლელობის (ანუ სუიციდის) მსხვერპლნიც კი გახდნენ. მათგან განსხვავებით, ქალები თავს უფრო ეფექტურად შეგლიან, ხშირად მიმართავენ ფსიქოთერაპევტს, ანდა, უბრალოდ, ფინჯან ყავასთან მეგობრებს უზიარებენ სატკივარს. რაც მთავარია, ქალები საკუთარ თავში ნაკლებად იკეტებიან და თვითმკვლელობაზეც უფრო იშვიათად ფიქრობენ.

ქტის მქონე ადამიანებს თანაგრძნობის, სხვების ემოციების გაგების შესანიშნავი უნარი აქვთ. რაც უფრო მაღალია ინტელექტის დონე, მით უფრო არიან ადამიანები მიდრეკილნი იმისკენ, რომ სხვებს გაუგონ. დაბალი ინტელექტის მქონე ადამიანები კი ხშირად სხვების პრობლემების მიმართ გულგრილნი არიან და მათ ემოციებსაც ზედპირულად უყურებენ.

### ავსტრალიაში

დაბალი ინტელექტის მქონე ადამიანებს საკუთარ თავზე, როგორც წესი, იმდენად დიდი წარმოდგენა აქვთ, რომ ვერც ხვდებიან, სხვებმა საპირისპიროდ რატომ შეიძლება იფიქრონ. რაც უფრო დაბალია განათლების დონე, მით უფრო ვინროა მსოფლმხედველობა და ეგოცენტრიზმისკენ მიდრეკილება უფრო ძლიერი. საკუთარ თავზე, როგორც წესი, იმდენად დიდი წარმოდგენა აქვთ, რომ ვერც ხვდებიან, სხვებმა საპირისპიროდ რატომ შეიძლება იფიქრონ. რაც უფრო დაბალია განათლების დონე, მით უფრო ვინროა მსოფლმხედველობა და ეგოცენტრიზმისკენ მიდრეკილება უფრო ძლიერი.

### მომზადებულია შუშუნა ყანავაშვილი

გვარი იმუნიტეტის გამომწვევა შეუძლია, რაც, საბოლოო ჯამში, ადამიანის შინაგან სამყაროს უფრო მტკიცეს ხდის და პრობლემების „გადახარშვას“ კიდევ უფრო აძვირებს.

2) – გარდა ამისა, დებრისის ადამიანის შემოქმედებითი აზროვნების განვითარებაც შეუძლია. ამის მაგალითად პოლ კიდველს უამრავი ცნობილი ადამიანის ცხოვრება მოჰყავს – დანყოფილი მიქელანჯელოთი და უინსტონ ჩერჩილით დამთავრებული.

3) – ადამიანები, რომლებსაც ქრონიკული დებრისია აქვთ გადატანილი, მნიშვნელოვან გამოცდილებას იძენენ, რაც ზოგჯერ მათ საუკეთესო თვისებებს წინა პლანზე სწევს – ასკენის პოლ კიდველი, თუმცა თამამად შეგძლიათ, მისი მოსაზრება არ მიილოთ, თქვენი ნებაა.

### ჯანსიკ ბიგოლავილი, ფსიქოლოგი

## მაღალი თვითშეფასების მნიშვნელობა დღევანდელ სამყაროში და მისი ამაღლების გზები

მაღალი თვითშეფასება ერთ-ერთი ყველაზე მნიშვნელოვანი პიროვნული მახასიათებელია, რომელიც გავლენას ახდენს როგორც ჩვენს პირად ცხოვრებაზე, ასევე კარიერულ წარმატებაზე. თანამედროვე მსოფლიოში, სადაც ყოველდღიურად გვინევი კონკურენციაში შესვლა, ახალი გამოწვევების დაძლევა და საზოგადოებისგან მიღებული ზეწოლის გაძლება, საკუთარი თავის რწმენა აუცილებელია. მაღალი თვითშეფასება გვეხმარება შევინარჩუნოთ ფსიქოლოგიური სტაბილურობა, მოვიპოვოთ წარმატება და ვიგრძნოთ თავი ზედნიერად.

### პიროვნული განვითარება

მაღალი თვითშეფასების მქონე ადამიანები უფრო თავდაჯერებულნი არიან და არ ეშინიათ საკუთარი აზრის გამოხატვას. ისინი მზად არიან შეცდომებისგან ისწავლონ და საკუთარ თავზე იმუშაონ, რაც მათ პიროვნულ განვითარებას უწყობს ხელს.

### სტრესის და სირთულეების გართვა

დაბალი თვითშეფასების მქონე პირებს ხშირად უჭირთ კონტრიკის მიღება და შეც-

დომებთან გამკლავება. ამის საპირისპიროდ, მაღალი თვითშეფასების მქონე ადამიანები უკეთესად უმკლავდებიან ცხოვრების გამოწვევებს და არ ნებდებიან.

### ჯანმრთელობა და კეთილდღეობა

ფსიქოლოგიური ჯანმრთელობა პირდაპირ კავშირშია თვითშეფასებასთან. კვლევები აჩვენებს, რომ დაბალი თვითშეფასება შეიძლება დაკავშირებული იყოს დებრისისა, შფოთვისთან და სხვა ფსიქიკურ პრობლემებთან. საკუთარი თავის მიღება და დაფასება კი ხელს უწყობს ფსიქიკურ სტაბილურობას.

### სოციალური ურთიერთობები

მაღალი თვითშეფასების მქონე ადამიანები უფრო ადვილად ამყარებენ ურთიერთობებს, რადგან მათ სჯერათ საკუთარი ღირებულების. ისინი ნაკლებად არიან დამოკიდებულნი სხვის აზრზე და არ ცდილობენ მუდმივად სხვისი მოწონების მოპოვებას.

### როგორ ავიმაღლოთ თვითშეფასება?

#### პოზიტიური თვითდალაპირი

ჩვენი შინაგანი საუბარი დიდ გავლენას ახ-

დენს თვითშეფასებაზე. უნდა ვისწავლოთ საკუთარი თავის მიმართ პოზიტიურად საუბარი და უარყოფითი ფიქრების ჩანაცვლება პოზიტიურით.

### პედაგოგის შეხვედრა

დღეს სოციალური ქსელები გვაძიულენ, თავი სხვებს შევადაროთ, რაც ხშირად იწვევს თვითშეფასების შემცირებას. მნიშვნელოვანია გავაცნობიეროთ, რომ ყველა ადამიანი უნიკალურია და საკუთარი გზით ვითარდება.

### მიზნების დასახვა და მიღწევა

კონკრეტული მიზნების დასახვა და მათი მიღწევა გვაძლევს თავდაჯერებულობას. პატარა წარმატებებიც კი გვიმტკიცებს, რომ ჩვენ შეგვიძლია მეტი.

### საკუთარი წარმატებების დაფასება

ხშირად ვავიწყობთ საკუთარ მიღწევებს და მხოლოდ შეცდომებზე ვამახვილებთ ყურადღებას. ყოველდღიურად უნდა აღვნიშნოთ ჩვენი ძლიერი მხარეები და მიღწევები.

### ჯანსაღი ურთიერთობების ჩამოყალიბება

ჯანსაღი ურთიერთობები



**ერთი კადრი წარსულიდან**  
1967 წელი, წითელწყაროს საზენიტო სარაკეტო განყოფილება, 25 წლის იუბილე. ქვეყნის საჰაერო თავდაცვა. ფოტოს ავტორი: კულაკოვი ო.წ. საქართველო, კახეთის რეგიონი, დაბა წითელ-წყარო (დედოფლის-წყარო).

## პირველადი სამედიცინო დახმარება სკოლებში

სოფელ ხორნაბუჯის საჯარო სკოლის მოსწავლეებსა და პედაგოგებს პირველადი გადარდებული სამედიცინო დახმარების წესები გააცნეს. შეხვედრა შედგა პროექტის „კლიმატის ცვლილებები“ ფარგლებში და მიზნად ისახავდა კრიტიკულ სიტუაციებში საჭირო პირველადი და ფსიქო-სოციალური დახმარების უნარ-ჩვევების შესწავლას. ტრენინგი „წითელი ჯვრის“ ტრენინგმა ლუკა კილასონიამ ჩაატარა.



